

Grundel/ doch laß ich hierüber/ als in einer zweiffelhaften doch nicht wichtigen Sach/ einem jeden sein Iudicium.

Paul. Morig. sagt die Treüsch werde billich vnder die Edelsten vnnnd besten Fisch gezehlt/ der in dem langen See auff süben Pfundt/ von 12. Unzen gefangen werde/ dessen Låbern ein sonderbahrer Schleck/ dieselbige werde zu zeiten so groß als ein Kizli Låbern; der so im Winter gefangen/ seye besser als zu anderen Zeiten/ dann er alsdann vil feister lieblicher vnnnd wohlgeschmackter/ er bezeuget dabey daß er diser Fischen/ in gang Italia nirgend gesehen/ wüsse auch nicht daß man sie anderst wo/ als im langen vnnnd Comersee fange/ es habend auch weder Griechen noch Lateiner dises Fisches oder seines Namens/ Erkantnuß gehabt.

Die Treüsch ist so ein frässiger Fisch/ daß kümmerlich einer gefunden wirdt/ der nach seiner Grösse vnnnd Gestalt/ so grosse andere Fisch verschluckt/ also daß man auch zu zeiten/ in gar kleinen Treüschlinen andere kleine Fischle findt/ er wirdt auch in dem gemeinen Sprichwort/ ein Dieb genant/ dieweil er in Löcheren steckende/ auff andere Fische lauret/ als ein Wisiele oder ein Kax auff die Weüß.

Ich hab selbst ein lächerlich Ding vom Treüsch gesehen/ dann als ich Anno. 1648. etliche Treüsch zu Wünster in einen Brunnen gethan/ vnnnd solcher massen versorget/ daß keine hinaus kommen köndten/ hab ich doch von tag zu tag verspürt/ daß sie an der Zahl abgenommen/ deß wegen argwohnet als ob sie mir sonsten entragen wurden/ darumben auff einen Frentag der Magd befohlen/ einen theil Treüsch auß dem Trog zu nemmen/ weiln sie ohne diß hinweg kämnd/ als nun die Magd solche herauf schöpfen wollen/ hat sie mich selbst in zu dem Brunnen erforderet/ darinn ich mit Verwunderung den Dieben/ ja ein Treüsch gesehen/ welcher zween Swenz/ namblich einen vorwarß vnnnd den anderen hinderwarß/ vnnnd doch nur einen Koppff hate/ fuhr einweil hinder vnnnd ein weil für sich/ das dann sehr wunderlich zu sehen/ es hate aber ein Treüsch den anderen bey dem Koppff erdayt/ welcher nicht vil kleiner als er/ vnnnd den Koppff allbereit in sich geschluckt/ vnd angefangen abzutawen/ wie solche räubige Fisch zuthun pflegen/ dabey ich gesehen/ daß dise wegen ihrer grossen Frässigkeit dem eignen Geschlecht nit verschonendt.

Aelianus da er von schleckerhaften Fischen redet/ sagt er/ der besten Fischen einer/ so man an Gasimåhlern hoch preysse vnd gern esse seyen